

**AMAUTE KA  
*IT CIH HILH IN***

**NANG HON-IT AHIHDAN PASIAN'  
KILAAKNA MU ING**

**JOYCE MEYER**

# AMAUTE KA IT CIH HILH IN

Joyce Meyer



JOYCE MEYER  
MINISTRIES

Nanakramguda, Hyderabad - 500 008

Copyright © 2011 by Joyce Meyer Ministries - Asia

All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries - Asia.

Joyce Meyer Ministries - Asia  
Nanakramguda,  
Hyderabad - 500 008

Phone: +91-40-2300 6777

Website: [www.jmmindia.org](http://www.jmmindia.org)

AMAUTE KA IT CIH HILH IN - *Zokam*

Tell Them I Love Them - *Manipuri*

*First Print 2011*

*Printed at:*

Caxton Offset Pvt. Ltd.

Hyderabad - 500 004

# THUTUUN

<i>Bulpatna</i>	5
1. Pasion in Nang Hon-it!	7
2. Ka Hoih Huntawk Ahia?	13
3. Itna zaw Kizopna Ahi	23
4. Itna, Muanngamna leh Ginna	29
5. Launa Apan Suahtakna	35
6. Itna Akuankhia	41
7. Pasion' Itna in Nang Honkhek Diing	49



# BULPATNA



Mite'n thildang teng sanga a poimawh zawk uh hidia ka gintak tuh Pasion' itna amau mimal tek adia kilaakna (revelation) ahi. Hiai mah tuh Khristian vualzou hinkhua a hin theih teiteina dia a kingakna hidi'n ka gingta. Pasion' itna lu a theihthawh tan mai zaw huntawk lou ahi; A kilaakna i poimawh uhi. Hiai pen Kha Siangthou kia piaktheih ahi, gingtu mimal khat ciatte'n Pasion' itna suanguah detdet a, Pasion hon-itna mahni hinna mahmah a muthei a, Pasion' Thu leh thumna tungtawn a huai kilaakna zon ahihcia'n piak hiding hi.

Pasion in khawvel it mahmah in khawvel taang a si di'a Jesu honsawl ahi cih vapom tan tuh baihlam ahi. Himahleh, leitung maikaiha mihing nang kia om bang na hita lecin zong Pasion in nang hon itlua, hot itna ziaka nang tang a si dia Jesu honsawl veve diing ahi cih gintak bel haksa zaw zek hi.

Khristian lungbuai hinkhua a kum tamtak ka zat liam nung in Pasion' itna theihciam sak in ka om. Mimal khat ciatte hon-it ahihna, Kha Siangthou tungtawn in hehpihtu Pasion in hon theisak. Huai khatvei kilaakna in ka hinkhaw pumpi leh Amah tawh ka tonkhawmna vai teng khekzou hit-het hi.

Hiai laibu na sim in Pasion' itna tawh kisai thuthak leh theihciamna thak hon-got diing ka gingta hi. Huai kilaakna,

nangmah mimal mahmah adia lunggulhna thak na neih zong k'on gingta. Laibu awl-awl a sim di'n k'on deihsak a, suutnoungeelna a panpihtu a zang diing leh ngaihtuahna gelhkhiak a omte leh Laisiangthou Thute suangtuah zui detdet di'n honcial masa ing.

Amah tellou a bangmah hilou ka hi cih kithei kawm leh A' Thu pansan a kilaakna leh theihiamna piaka ka omte A' hehpihna ziak kelev a ka tan ahi cih thei kilkel kawm in kingainiamna tawh hiai laibu na ma ah k'on luikhia hi.

# 1



## PASIAN IN NANG HON-IT!

“Pasian in khawvel A it mahmah a, huci’n A Tapa neihsun Apia hi, huci’a kuapeuh Amah gingta tuh a manthat louh a, tangtawn a hinna a neihna diing in.”

JOHAN 3:16

Pasian in innkuan deihna A neih ziakin eite A’ tate hidi’n honbawl hi. Naungek banga om di’n hondeih kei a, naupang (kids) banga om di’n A hondeih hi. Amah a kinaamtaak diing, Amah a kinga diing, Amah it diing leh *Amah ki-it sak di’n* hondeih hi. Amah a kingatop diing leh taksap i neih cia Amah kianga tai zel di’n hondeih hi. Amah, nang a lunglut in mimal mahmah tawh kizopna neih A ut hi.

Mi tamtakte’n Johan 3:16 huam zasak lua i hi. “Oh, himah e, khawvel a mi khempeuh adia Jesu si cih ka thei vele,” i ci ahimaithei. Himahleh, khawvel a kuate pawl hiam adi’a Jesu hongsi himawk lou hi. Ei mihing mimal khat ciatte tan di’a Jesu hongsi, nang adiing mahmah a hongsi ahizaw!



Hiai leitung maikaih a nang kia teeng na hita him lecin zong, *nang* adi'a Jesu hongsi thou diing, A thuakgimnate nang di'a thuakgim thou diing, *Nang adiing in Amah hongsi!* Pasion in nang hon-it law petmah, beini-tawpni neilou itna tawh hong-it ahi.

Nikhat, a suklam ma-nawh a gari ka heklai in, Pasion in ka lungtang ah thugen hi, hici bang in: “Joyce, Ka mit-nauta na hi.” Huai thu Laisiangthou a a om lam zong theilou ka hi. Setan hong kigolh zom a, ka ngaihtuahna ah, “Maimai, kideihkhop mahmah di'a kisa hilou na lim maw? Nang phiangsan kua kisa e?” Tua zawh in hici'n ka ngaihtuahta hi, “Oh, hucidan a ka ngaihtuah diing hiloupi..” Deihtuambiik (special), thilpiak tuambiik nei leh midang tawh kibang lou i hi cih mihing suangtuahna pai ngeina in pom haksa sa mah hi. Ahizong, michihte mimal i hi ua, mihing dangte apan tuamna nei vek di'a siamtu Pa honsiamte i hi uh.

A tunga thute ngaihsun vengveng a ka omlai in, Pasion in ka lungsim mitkha ah thil khat hon musak – bazaar a apple pum kikoikhawm zezua laka nungak khat dingtang zenzan. Huai nungak in apple te enkual dandan in limci pen dia a gintak pum khat la di'n a khut kuan hi. Kei kianga Pasion hon-gen ahihleh, Amah adia apple limci pen kei ka hi. Deihtuambiik ana hitakpi veng e. Dik zoulou deuh tuh abang maw, hilele, Pasion in michihte hon muhdan leh koihdan hizaw ahi. Midangte hoihlou uh, nang na hihleh Amah tawh kinai a om kuahiam khat

a cihna bel ahikei, i vekpi ua ‘deihtuambiik’ i hi honci dan ahi. A Thu (word) ah a om a, huai Thu tuh micih adiing ahi. *Nang tuh Pasian’ mit nauta na hi.*

Pasian in A’ mit nauta honci khin hinapi, ka sang (receive) nuam pah kei hi. Kei leh kei kimawhsa a ka om nung, ninih vel in ka Bible a Sam 17:8 ka vaphen leh, ka mazawn ah hiai thu ciangtak in hong kiluikhia hi: “Na mitnauta Na kep diing bang a honkem in, Na Kha liimnuai ah honseel in” “Tamaizen, huai tuh Pasian hitakpi avele. Pasian mit a kei A’ mit-nauta,” ka ci theita hi. Hiai thu ka ngaihtuah khak peuhpeuh cia’n manpha/piang fuh kisakna ka neilian deuhdeuh.

Mihingte’n zon khat, lunggulh khat, leh mahni lungsim tawng ah it a om diing utna kinei ciat hi. Huci diing mah a Pasian honbawl i hi. Mi tamtakte’n Pasian in khawvel it a, Jesu mahmah le it, cih gingta napi Pasian in amau tektek it diing in ngaihsut haksa sa thei zel uhi. Hinapi’n lah, Pasian in Jesu a itna zahzah in amaute it ahihdan TOUPA Thu in honhilh. Jesu a itna zahzah a Pa’n *nang* le hon-it ahi. Johan 5:20na i en diing:

“Pa in Tapa a it a, amahmah in ahih peuhman Tapa a ensak hi; huan hiaite sanga thil thupi zaw leng a ensak lai diing, lamdang na sak diing un.”

Hiai a Pasian gen tuh, “Thil thupi ka hih tengteng Jesu tungtawn in Ka hih a, thil thupi seem ka hihte leng Jesu tawn mah in ahi, huci a lamdang na sak diing un” (Laigelhtu’n

adeihkaihdeuh). Thil banghiam khat lamdangsa a om theih, Pasion nasep lamdang sak theih mah ahi cih na thei hia?

Hiai Laisiangthou Thu i sim ua, himahleh Pasion in ei adia bangtak hon deihsak hihiam cih i mupel kha nak uhi. Jesu tungtawna A thilhih thupi mu a, lamdang sa-a, “Pa Pasion aw, maizen, Jesu tungtawna Na thilhih lamdang zensi e” ci di’a hondeih tuh ahi. Tua khith cia Bible Johan 14:12 a Jesu kammal sim zui ngal di’n: “Cihtaktak in ka honhilh ahi, kuapeuh hon gingta in ka thilhih bang ahihsam di’a; hiaite sanga thupi zaw le’ng ahith diing; Pa kianga pai diing ka hih ziaik in.”

Jesu, A’ Pa kianga ana paikhith taak ziaika a tunga kigen bangthou Pasion in nang tungtawna seem diing... i gente sanga thil thupi zaw seemkhetu diing nana himaimah hi. Na gingta hia leh? Pasion in nang hon it a, honzang diing ahi cih na gingta taktak hia?

Ni khat, laisim a ka tutlai in TOUPA’N honpawl in hici’n honhuau hi: “Joyce, mihingte ka it luat ziaik in niteng in thil tampi ka hih sek, himahleh, mite’n mu seklou uh hiveh aw. Mu ngeilou uh. Ka hih ahithlam zong pom nuamlou lai uh. Etsakna khat kia k’on pe diing. Niteng a ni (sun) kianga, “Thou in/ Suak in” ka cih ci’a Joyce adiing, Betty adiing, Jamie aa diing, (hiai ah *nang* min gelh in) adiing a ka hih ahi.”

Khawl inla, a tunga thu ngaihtuah mah di le. Vantung a niteng a nisuak nang adia suak ahi. Hi, ni suak san viuveu

kha! Eite'n ngeina seh, ahi diing mawnga ngaikha hamtang i hi. Niteng in ni ahong suak diing cih i thei, himahleh nang adia hongsuak hi ahi. Ahunbi kim a vuah hongzuc cia'n, nang adia hongzu ahi. Vuuk ahongkiak singsing cia'n le nang adia hongkia ahizel. Hucikhop a Pasian in nang hon-it ahi.

Diuteronomi 7:9 ah,

“TOUPA na Pasian uh tuh Pasian khat omsun ahi a, a muanhuai cih theigige un. Ama'n A thukhun a zui diing a, A it tawntungna tuh a thupiakte zui a, Amah itte kiangah suan sang khat dong in alak diing hi.”

Suan (generation) sang khat dong Pasian itna a kisutzoptouh diing sau ci huntawk in na thei hia? Amah tangtawn Pasian hi a, Pasian pen a vang i zou ziaka bei thei diing zaw hi mahmahlou ahi. Mi tamtakte'n thil khat a lawhsap ziak hiam, i sianthou zawhlouhnate ziaka Pasian hon-itna kiam/ dau mai di'a ngaihsun i bang mawk uh; tua dan hi mahmahlou ahi. Itna huci thei mai ahikei; nang hon-it lou di'n Pasian na neh/ thuzawh zou sin kei ahi. Itna i cih Pasian in ahih (what He does) mai hilou, Amah ITNA hi maimah ve'n.

Aninphapen, a botlawhpen, khelhna thuktak a bual a leitung nopna ana liau kawm a Jesu mit cilphih a, “Nang tawh kisaina diing bangmah neike'ng e; meidil pai di'n kei kiman mahmah le ling,” a ci pa zong Pasian itna in baan (huamkha) ahi.

Huaiziakin, teeltuam a omta leh Pasion' lungtup sepkhiaakna dia koihtuam a om mite, Ama'n bangci'n a itloui thei mahmah dia?

“Ka lungtang ah Jesu ka pom a, Amah ka it ahi” na cizouta le na hithei. Himahleh thil khat ka hon dong ut, *Pasion in hon-it ahi cih bangzahtak in na gingta a le?*

Hiai thu mawl mahmah tuh nang adiing ahi: *Pasion in nang hon-it*. Himahleh, hiai lah a kingakna poimawhpen (basic foundation) hi zel, hiai 'A hon-itna' mah tuh nang tungtanga Pasion lunggel leh thildang teng theihshiamna di'a poimawh ahi.

Pasion' thilte nakpi a zong leh Pasion tawh kisaite nakpi a suutnoungeel, tamkhop zilkheta zong na himaithei, ahihhangin, Pasion in nang hon-it hi cih thutak na pom theih naikeileh gamlapi na tungsin kei hi. Pasion in nang hon itna ginna kingakna diing, khelhna apan suahtakna diing leh TOUPA gam nasepna a laulou leh liinglou a kal na suan theih tawntungna dia kiphamawh ahi. *Nang A hon-itna na saang dia'm?*

Pasion in *nang* hon-it!

## 2



### **KA HOIH HUNTAWK AHIA?**

“Lametna in hon lunglelsak kei, Kha Siangthou i kiang ua honpiak tungtawn a Pasion’ itna i lungtang ua sun lut a a-om taak ziak in.

I hatlouh lai in (ei-le-ei kipanpih dia hatna neilou), ahuntak in Khrist tuh Pasion limsakloute’ sik in (mun ah) a hong sita hi.

Mi diktat sik a si nuam mi a om ngelkei hial diing, himahleh mi hoih sik in bel sihngap a-om khamawh kei diing hi. Himahleh, mikhial i hihlai ua, i sik ua Khrist (Thaunilh Messia) a sihna ah Pasion in eite (ei mahmah) ahon itna a langsakta hi.

A’ sisan a siamtansak (khahkol, diktat a pom, leh Pasion tawh kizopna diktak nei) a i om taak ziak un, Pasion thangpaihna akipan in ahon hunkhe seem diing hi.

Melma i hihlai ua bawn a Tapa sihna ziaka Pasion tawh i kilem taak ngal uh leh, i kilem nung un

a hinna (thawhnawwna) ziakin hotdam (setan thuneihkhumna apan niteng a tatkhiaakna) naak hin sem (hing takzet) na tel ni hang e!”

ROMTE 5:5-10 AMP

Mi tamtakte’n botlawhtaka i omlouh sung teng Pasion in hon-it ahi diing dan in i ngaihsun thei uhi. Mitangpi in, mahni kipahtaklough luat ziaak bang in Pasion lungtunnna minu/ mipa hilou di’a kikoih a baihlam. Ahizong in, Laisiangthou in bang gen ci a i kiik zel ahoih hi. “Mihing bang hi ahia, na huci awlmawh a; sithei mihingte na huci limsak tel?” (Sam 8:4). Eite, Pasion’ khutsuak leltak i hi, *A hon-it ziaka hon-it ahimai a*. Amah i Pa bel itna ahi (1 Johan 4:16).

Ama’n hon-it a, *nang pen deihtuambiik himai na hi*. Huai omdan tuh midang tawh kibatlounna leh hoihbiiikna nei na hi. Nang pen kei na bat (like me) diing, kei pen nang ka bat diing cihna thu omlou hi. Midang khat bat i sawm zenzen leh mi hehpihuai tawpkhawkihi diing ahi. Huai banga om/ hin i tupna pen setan (devil) hunhoih piakna, hoih huntawklou na hi aw, ci a honkou dia va kiphahna ahimawkihi. Thil omdantak tuh, Pasion tawh na kisaina uah, nang “hoih huntawkihi” a kuul kei hi.

Na let leh thupi luat ziaka Jesu Khrist nang sik-le-tanga hongsi ahi hia, ahihkeileh, nang hon-it ziakin? Bible in hici’n a ci: Sih tanpha a nang hong-it aihleh, A’ sisan a siamtansak a om hilai, tu’n bangcidan in nang Ahon itlou thei mahmah dia? (Romte 5:8,9). Na niteng khelhna neu nounoute liahkhuh

zou diing khop a hon-it law-tel dan ahi. Thilhihtheihna leh vualzawlina tampi tawh tuni zang paisuak zou di'a le A' hon-itna kiningcing ahi.

Pasian in i hatlounhna leh hikhkelhte A muhdan/ etdan nikhat hicibang in honlak hi. Naupangneu, kum thum hiam kum li a upa, innsung a a' nu gamtatna teng na en dandan khat om dan in ngaihsun in. A' nu a it luatluat kawm in, baltin neu khat a tui la in puansia khat tawh konglam nga tukverh a lim kibelhte omna lam ahonzuan teita. Hoih thei bangpen a tukverh a nawt siang zawh in lai (paper) tamlou in a nul zom lai hi.

Ahilel in bel, siang tuan malak ah turverh a limlang pen kigiit zingzeng in, sahbon neng khawng baang lai hi. A nasep na muh tuung in, a ngawng heek na utphial hi – hahsiangna vanzat na ciil bawl pen na zang miatmiat ahihziak in. Himahleh amah honglut guih a, a aw ngaihbaang takmai tawh, “Nunu, ke'n i tukverh uh na hahsiang keive, hih hoih n'on sa hia? Nunu, ke'n nang hon ngailua” a hong cita hi.

Nu pilvang in tuh, “Ahimaw, Bawi, thil thupitak ana hih neivele. Na hon panpih a, kipak e” a ci diing. Tua khit cia'n, naupangneu pen thildang a abuaainawn kal in abuah ningnengte hahsiang gegep in tua ahih banga hih nawnlou di'n a theisiamsak ngei diing.

Pasian in, atunga i gen banggeih kha, kei tungtanga Ahihdan ahihlam hon theisak a. Nang a hoihphapen hia na theih na hih kha, Pasian in nang apat A lamet himah ahi. Na hih theihloun



khat hih di'n TOUPA'N hon lamen hetlou hi. Hiai anuai-a bang a na cih nop leh, Ama'n hon pumkhek thei tham ahi: "Pasian aw, Nang dik cin a, kei ana diklou ka hi. Ka na tumta / sawmta, himahleh ka khek zoukei (I've tried, and I can't change it)." Tua khit cia'n, Ama'n Ahih lel diing, a ziak tuh Amah panpilha tellou a nang kia'n a ahoihzaw dia hihtheilou na hihlam hon theilua hive'n.

"Pasian mi sawl in Pasian' Thute (Pasian akipan thu mahmah) a gen hi. Pasian inlah teh citciat in Kha a pe kei a, Pasian in A' Kha tungtawna Apiak pen tehvual hilou ahi."

"Pa in Tapa a it a, a khut ah thil bangkim a koih (ngensiah, seen) ta hi."

Johan 3:34,35 AMP.

Ni khat, Laisiangthou sim a tulai, hiai atunga Bible tang ah ngaihtuahna apai hanhan a, Pasian in A' Kha teh citciatlou a honpia cih ka phawk in kipahluat ziaikin ka kikoukhe kha hial hi. A nuh thawh hiam, a taat thawh hiam Kha honpia na hilou dan ahi.

Hiai ahon ci zaw hi, "*Hiai ah ka neih tengteng a om, la in.*" Pasian thilhihtheihna leh itna tengteng tuni a nang adia om ahi. Na poimawh, taksap citeng Ama'n nei khin a, tuate kilaak di'n hondeih hi. Bangziaikin maw? Nang ahon-it ziak in. Huai tang thei dia na hoih masak kuullou, huai tang taak dia nang hih

hoihna in lawhsuah zou ngeilou diing hilai! Hong kihahphot in, fel deuh honsawm phot aw, cih te le om vetlou. Pasion in a hon-it luat tel ziaka nang honpe ut cih thu ahi.

Diuteronomi 7:6,7 ah Pasion in hiai ana ci,

“TOUPA, Na Pasion uh aa na hihziak un, hiaite na hih diing uh ahi. Leitung mite tengteng akipan in, noute Amah mituam diing in Ahon teelta hi.”

“TOUPA’N midangte sanga na tamzawk ziak ua honteel a, hon-it ahikei; Leitung nam a a tawmpen na hi uhi.”

Pasion in Israel-te Amah teeltuam biik minam di’n A bawl. Tu hun in, eite zong Saptuam i hihna ah Kham Israel diktakte i hi. Huaiziakin atunga Laisiangthou Thu i taklat Israelte aa ahihna zahzah in nang leh kei adia gelh zong ahi. “TOUPA’N midangte sanga na tamzawk ziak ua honteel ahikei” a ci. Ei tungtanga bulh diing hitale’ng, “TOUPA’N midangte sanga na hihdik vek ziak uh hiam, na fel tuam luat ziak ua honteel ahikei” cih akawk hi.

Aban a genna ah minam dang khempuhte sanga tawmzaw uh ahi, a ci. Ahilel gen in, kei na bat uh leh, hotdam hihma lai in mi tengteng sanga hoihlou zaw na kihidan ahi. Hinapi in tang 8 ah, Pasion in hiai a ci, “TOUPA’N noute ahon it a, nou honsuangtute kiana A thuciam hihtangtung a ut hi.”

A tunga Thu kha ahi, kikoupah tham! Pasion in, “*Ka itna na tung uah a tu, huan, na siangthou uh ka honci ahi. Deihtuambiik*

*na hi uhi.* Na hoih ziaak uh hiam, na lamdang deuh ziaak ua honteel ka hikei, Ka hon-it ziaak in ahizaw.” Pasion in tuni a nang hih dia Adeih na thei hia? A’ itna pom / saang diing in Ahon deih hi.

A tamzawte i buaina lianpen uh tuh, ei-le-ei i kideihlough (don’t like ourselves) ahi. Pasion in hon-it ahi cih gingtalou in, midangte’n hon-it diing uh zong i um thei taktak kei hi. *Kei hicikhop a buah / ginalou, bangci’n ahon-it thei mahmah di’a?* I ci hi. Niin/ Kihhuai leh melsia hi’a na kigintak leh, niin leh melsia a kikoih in tua dan mah in na kimu dia, tua dan in na gamtang na lai diing hi. Na lungtang a na kikoihna sanga sangzaw in na kaangkhe theikei diing.

Kei mimal buaina na hingeri khat tuh, kei-le-kei ka kideihlough, leh ka hun 100-a-75 te kei-le-kei kikhek sawmna a hun ka na zatbei ahi. Pau tam peuh kisa in deihdide bang ka na tum a, himahleh, ka deih dide cia’n kipiaksiatna in honzui zel; midangte mahmah in zong ka daih didena ziaak ana thei-ut zel uhi. Hicibangin ka ngaihsun a, *Kam nei lianlua na hi n’on ci uh hilou maw? Kei kia in hon omsak maimai un. A daih dide sawm hihthawh mai ing.*

A tunga i gen hinkhua kum bangzah ana tawn ka hihiam cih ka hon hilh theikei diing. Himahleh, tuni tan inle ka kam (mouth) tawh kibuaipih den lai ing. A pau ut mahmah mi pawl khatte a pau tawm mahmah mi tawh kinupa kha utviau uh. Huai in na kamtam lam honlak in, huai mah tuh setan in hon theisak-

thak zaw-mah lai diing hi. Huai geih tuh ahi *siamlouhtanna* (condemnation).

Pasian in siamlouh kitanna hinkhua / ngaihsutna apan hon suaktasak ut, tua di'n, nang lam ah ginna leh hansanna akuul hi. Bangcituk in siam kitan kei in kuiku lecin le'ng tua in na hihkhelh/ cinglah na kisaknate khat mahle vengsak lou hial ahi cih na theita hia? Thil banghiam hihkhelh na neih hun a zong Pasian in hon-it veve ahi cih vagintak bel haksa amah ve.

Setan in na lungsim ngaihsutna tawn in hunt eng in honsual a, kihhuai leh melsia mahmah khat hidan a kimu di'n ahon sual zom zel hi. "A kikhin/ kichai hitamai neive" ci bang inle'ng. Banah, "Nang kua kisa e? Nang minin kumlupi, Pasian in thupha hongpe ngeilou hial diing ahi. Kuamah kianga Pasian adia theihpihtu a na pan theih takleh... nang te khawng in bawldik theih bangmah neilou diing na hi."

Huai hunlaitak ahi na lungsim sungnungpen a hansanna a poimawh, thoutou a hicibang a na cih a poimawh hi: "Pa, ana hihkhialta ka hi. Jesu Khrist sisan pansan a na hon ngaihdam ka hon ngen. Ka lungsim in ka ginom hi, Na ngaihdamna ka poimawh. Nang setan, paimang in. Jesu'n ka khelhna man pe zouta, nang kitaklahna diing om vetkei." Hiai banga na cih khit cia'n pai inla, kipak in, nuamsa lai in. Himahleh na lungsim ah ngaihsutna hicibang ahong omthei lai, "Thil haihuaipi ka bawl ngeite' mah lah ka bawl zom zel lai a." Kei leh kei siamlouh kitanna ka tawpsan ma in ke'n zong tua bang ngaihdan na nei

zel ing. *Na thilhihte kisiamlouhtanna na tawpsan hunhun ciang in, hucibang thilte ahong bei mai diing hi.*

Kimawhsakna leh kisiamlouhtanna in nang nakpitaka hon nengniam a, kipesia cin a, suakta theilou na ka hia. Siamlouh kitanlou hinkhua zatna di'n mihangsan hih a ngai. Hangsan taka ginna na zat ngam a, thoutou kawma kimawhsakna hongpai pen na nial diing ahi (say no to guilt). Setan in bel, "Huai thil khawng le poi salou dan a omta diing na cihna maw? Bangziak? Ahoihlou ngaihsutna / kipiakna a dakkal tamlou bek tuh na piaklaidi hia. Thil hoihlou tak hih tuh na hi peuhmah ve," honci lai diing hi. Nang dawnthukna diing tuh, "I, ka ciang (sure) cet kei. Ahoihlou, kisiamlouhtanna lam bel mun-ot sawn nawnlou hi'ng." A tunglam teng bangtanvei hiam zaw a khauh (tough) sim na dia, himahleh, thumvei-livei na nan zawh nung in kisektouh theihmai sam.

Isai 53, tang 5, 6 & 11 *Amplified Bible* a i et leh Jesu'n i khelhnate A puaklai in kimawhsakna (huai in kisiamlouhtanna le huam) paw-khawm ahi cih a ciang. Setan in bel huai kimawhsakna hinkhua apan suakta di'n hon phallou hi. Bangziakin, kimawhsakna lungsim pupu talecin, Pasion honitna hamphatpih diing zah a hamphatpihlou nilouh di himaimah vecin. Mahni kimawhsakna in nang leh Pasion kaal honkhen in na kikal uah kahpasiik khuntak in kikhung hi. Kisiamlouhtan hinkhua a na din cia'n, Pa Pasion na mu theikei. Na muhtheih omsun tuh huai kimawlina leh khelhna na ma-a om pen ahi.

Kimawksakna hinkhua apan pawtkheta inla, Pasion' gen, ka hehpihna na khelhnate liahkhu diing tan a huntawk (sufficient) ahi Ana cih muang mai in. Ama'n A gente a cihtak meuh ahih ziaak in. A hon-it a A hehpihna leh ngaihdamna te thawmpiak (free gifts) ahi. Tuni in sang in!

Pasion in *nang* hon-it!



# 3



## ITNA ZAW KIZOPNA AHI

“Pasian in ei ahon itna i thei un (theisiam, pom, phawk, thil etdan & thiltuah mahmah pansan in) i gingta (lenkip, muangngam leh kingakna a nei) uhi. Pasian zaw itna ahi, itna a om gige mi tuh Pasian ah a om gige a, Pasian leng amah ah a om gige hi.”

1 JOHAN 4:16 (AMP)

Bangci’n Pasian hon-itna khawphawk leh phawkseem in na omthei dia? Bangzahta in hon-it mahleh nang na phawka nana theih keileh, hiai in nang a phattuumna tunlou diing ahi. Mi khat in hon-it a hon ngaina ahi cih hon latsak ciang in nuam na salaw vele maw? Nuam salua in lamdang sakna tawh, khawvel a’ mei (tail) a man theih hi bang na ut hial vele, a ziak tuh kuahiam khat it a om hivecin. Pasian in hon-it a, huai hon itna honlak ut ahi. TOUPA tawh niteng hunteng in kithuah thei le-ucin Amah deihdan ahi.

Mimal tak in Pasian tawh kizopna na nei uhia? Hun sawtpi paita a hotdam na hih ziak mai a Amah tawh kithuahna nuam



leh manpha zangkhawm cihna hipah samlou ahi aw. Zing thou a mit (eye) ka hah cia ka ngaihsut masak pen Pasion ahi a, huan, zan ka lupma a ka ngaihsut nanung pen leng Amah mah ahi. Huai nihte tehtuah kal suun hun in leng, Pasion mah ngaihsun den ing. Hiai khawvel zatak mai leh a sung ah, ka Pasion' naa sep leh A' kipahna zon kan a uthuai/teelhuai zaw bel thildang bangmah a omkei. Huai mah tuh na bangkim koihkhia a neihtaak, pomtaak ahi.

Mi khempeuhte sungah Pasion piansak avang (God-shaped hole) om hi, tua pen Pasion kia in hudim thei. Thildang, na deih hiam, na ut hiam te'n huai vang i gen hudim thei mawklou uhi. "Jesu ana saang (received) khin thamta keive" na ci le ahimaithei. Ahihleh, niteng hunteng leh munteng ah Jesu na saang nahiam? Pasion' hon-itna na sang tangpi hiam?

*Pasion in hon-it a, nang pen A deihtuambiik na hi.* Amah tawh kithuah di'a honsiam mihingte i hi. Hiai kithuahna tuh A lunggulhpen leh nang lam a A' lungput diktak ahi. Kumpi tutphah a tu kawm in zingsang teng in nang lam hong-awn phei in, "Ka hon-it hi, zingpha" a honci zel hi.

Ka lawm hoih khat in a kithum lai in mukkhohlna (vision) nei hi. Tua tuh, Americate a zingthawh hun vel un Pa (Father) in vaveh in innte tawn in pai vialvial hi. Pa pen inn sunga lut a mite tawh kithuah ut ana hi a, innsung lut, a tutna diing mahni kilaak in dawhkan kiang ah tu hi. Mite hong thou ua, hongpai in khat khit khat pailiam ua, a paisan kawm un Pasion kiang ah,

“Denlam deuh ciah aw. Tua mun ah ana tu zek lai in, Pasion. Hiai k'on hih zawh cianga hon tutpih diing. Pasion, dendeuh ci'a Nang tawh kithuahna nei diing. Denlam ciah aw, Pasion, Denlam ciah aw, Pasion” ci uhi.

Sun nitum in muikhua hongzing a, hiai mengmunu'n a gen zelna ah, tutna apan kiaksuk thawh hial Pasion, huai inn nusia ka muh in lungtang kitamkham in ka om, a ci hi. Huai ni in Pasion houpih dia hongpai/ kilang kuamah a omkei uh.

*Buai law zen ke'n aw.* Thumna diing hun leh Pasion tawh kithuahna diing hun na neihkei mawk leh a buailaw lam hikha diing na hi. Pasion aw k'on it hi, na cih leh tua zaksakna hun sehtuam na neih zel diing ahi. Thilteng pailiam a bei zel, pailiam a beizel, hilele a om gige gen theih omsun tuh Pasion ahi. Tua hilel veh aw. Amah tawh kizopna (relationship) na neih kei ua ahihleh, tua kizopna bawl tuak pah ahikhka diing. Huai i cih cia'n vangam kailou diing na hi i kicihna hi zenzenlou in, vualzou hinkhua a hinna taan (miss) na hi i cihna hizaw.

Kum khat sehtuam a, huai hunsung a *Pasion ki-itsak* di'n ka hon deihsak. Nang hihtheihna sunga ginna tungtawn a lawhkhiak na sawmte tawpsanta inla, ginna a Pasion' mitna ngah leh thilhihtheitak hih na sawmna tengteng tawpsanta in. Nungkiik zek inla, naupang bang in om in gamtang in. Pa' anglum ah bok vaaklut inla, huci'n Pasion ki-itsak in. Amah na ki-itsak ma zaw itthuk theilou diing na hi.

Johan 4:16 (AMP) ah,

“Pasian in ei ahon itna i thei un (theisiam, pom, phawk kilkel, thil etdan & thiltuah mahmah pansan in) i gingta uhi...”  
cih Thu i mu.

Tuzing na thawh in Pasian hon-itna bangzah a lian hiam cih ngaihsutna in hun bangzah na pia a? Zing na thawh tung cia’n, thazawi – bangmah sepnop le neipilou in na om thei hi. Hucibang hun a leng na kam zanga na taksa leh kha na hanthawn a, thil lamdang deuhdeuh hih di’a ka kisukthathawh apoimawh hi.

Huaiziakin zingkal a n’ong thawhkhiak cia’n hicibanga na thum poimawh ahive, “Maizen, Pa, hon-it cin a, n’on it luat ziaka ka taang a si di’a Jesu n’on sawl lawmlawm kipak lua ka hi. Maizen, Pa, Kha Siangthou tawh omkhawm ka hih ziak in zong kipahthu k’on gen hi. Thawhnawna thilhihtheihna ka sunga om ziakin zong kipahthu k’on gen. Maizen, TOUPA, tuni ka paina peuh a vualzawlina (thupha naak) ka hih ziak in zong kipahthu k’on hilh hi. Pasian aw, hiai ka omna inn neucik sung ah *Na hon-it cih ka phawk; Na hon-it hi*. Na hon it a, Na ta deihtuambiik ka hi e. Na mitnauta ka hi. Na hon-it hi.”

Pasian’ itna in hontuam kimveel a, hon zelsuah ahi cih nang leh nang mahmah zong *kihilh in* kiphawk sak zelzel in. Pasian in A’ khutpek a na min a mang thei nawnlou dia gelh (tattoo) ahildan Bible ah i mu (Isai 49:16AMP). “Endih, huai

kha? Maizen, melhoih hina lou hia? Amah it petmah keive. Ka khutpeek sunga ka naupangte (kids) en him dih ua,” A cih lamtak ke’n phawk thei ing. Huai, A’ khutpek a Pa’n hon-gelhna ziak tuh hon-it a, nang tawh kithuahna neih lunggulh petmah ahi cih a kiphawksak-thak tawtungna ahi.

Pasian ma-a kipahna chang theih diing ahihdan thei gige in. Amah tawh kithuahna kizopna (relationship of fellowship) khangsak in aw. Achang in, na mai leitual tawh kihetkha kawm a thum a, Pasian n’on hotdam ka kipak, na cih khiak akuul hun zong om diing hi. Nungkiik zek inla Pasian it in. 1 Johan 4:16,17 AMP ah Ama’n hici’n aci,

“...Pasian zaw itna ahi a, itna a om gige mi tuh Pasian ah a om gige a, Pasian leng amah ah a om gige hi.”

“Vaihawm ni a lau lou a i om theihna diing in, itna (Amah tawh pumkhatna leh kithuahna) tuh eimah ah bukimsak in a omta a; hiai khawvel a i hinkhua uh Khrist aa bang ahihziak in i lungmuang uhi.”

Pasian in hon-it cih na theihna in Amah muanngamna leh A’ ginomna a kingakngamna honpia ahi.

Pasian na ki-it sakna tungtawn a vualzawlina dangdangte zong hongpai diing ahi – ginna thupizaw, khelhna tunga vualzawhna, hihdamna, bukphatna leh kipahna. Ahi, Pasian na ki-it sak phalna tungtawn in a hongpai diing. Hun tamtak ah hiai thil pen heikual in hibang in i ngaihsun thei hi, “Himah e, Pasian ka it diing himah tham e.” Pasian na ki-it sak masak

diing, cih kei gintakdan ahi. Pasion na ki-it sak mateng zaw Pasion it na hihlam genkhe zou taktak di'n k'on gingta kei.

Pasion tawh kithuahna neih tungtang k'on hilh thei a, Pasion tawh kithuahna na neih uh zong poimawh petmah ahi. Ahihleh huai bangci'n na seemkhia a? Pasion in Amah tawh kithuahna nei di'a honhilh lai a, tutna zawnsau khat vanaih a huai-a tu zenzan kawma, "Tu'n ah bang, Pasion?" cih thawh mai zaw, dik kawi khat mah e. Hile-le hiai santak ah Pasion tawh kithuahna neihdan di i theihlough dan banah, Pasion in bangzahta a hon-it hihiam cih i theih tellough dan kilang thei hi.

Mi khat, nang hon-it mahmah ahi cih na theih ciang louhpi kiang ah na lungsim a omte genkhia in itna leh zahtakna bangci'n na pethei mawk dia e? Nang-le-nang mihai kisuah khak diing lau in na kidawm mahmah diing. Nang hon-it a, na thugen hoihtak a ngaikhe diing ahi cih na theihsa mite lak nuam nasa ahizaw. Midang kuamah tawh ka hih theihlough diing thil ka pasal kianga gen leh amah tawh ka hih theih zel uh a om, aziak tuh ama'n hon-it cih ka theih ziak ahi. Huai paidan mah tuh ahi Pasion tawh mimalmalte kizopna a pai/ kizang.

Huaiziakin kal suankhia inla, kipan in. Pasion hunhoih (opportunity) pe lecin, Amah tawh kithuahna nuamtak neihtheihna dan Ama'n hon sinsak diing ahi. Tu mahmah in hiai thu kidong in, Pasion tawh kithuah nuam ka sa hia?

Pasion in nang hon-it!

# 4



## ITNA, MUANNAMNA LEH GINNA

“Khrist Jesu ah (Jesu Khrist a i omleh), zeksum hiam, sumlouw hiam bangmah apha tuam kei; itna tungtawn a naseem, ginna bel apha tuam hi.”

GALATIATE 5:6 (AMP)

Mitangpi in ginna neih sawm ziakin hun tampi i beisak uhi. Ginna tellou in Pasion kipahsak vual ahikei (Hebrute 11:6) ci in i pang ua, ginna tamseem neih sawm in i pang tentan uhi. Himahleh, ginna zaw lungtang tawh kisai ahi a, Pasion tawh kizopna kithuahna deihhuaitak neihna tungtawn kia in na neithe diing. Ginna ka hon sinsak theikei di'a, himahleh ginna tawh kisai a apaipi hon sinsak thei in huai pansan in nang, gilki al mahmah kawm in, muh teiteina di'n banglou teng hih na ngap thei hi. Ginna zaw Pasion' kilaakna tungtawn kia a ngahtheih ahi.

Ginna ngah a, tua khit cia Pasion kipahsak sawmna hinkhua tawpsan inla, huai sawmna hinkhua pen Pasion tawh hun zatkhawmna leh Amah itna in zat sawm panta in. Niteng in Amah it inla, huan, Amah ki-itsak in.

“Eite zaw muhtheih a pai hilou in, ginna a pai [mihing leh Pasion kizopna banah Pasion lalgam thilte zahtak kawm in hinkhua leh khaw-hei gamtat ah kitheihcetna diktak tawh hing in, muangamna leh cihtakna tawh kalsuan] i hizaw uhi.”

2 Korinte 5:7

Khatvei, a tunga Laisangthou thu ka sim lai in, Pasion in thil thupi mahmah khenkhat ka lungtang ah hon-gen hi. Ginna a pai sawm sek ka na hi a, ka hinkhua a thil neupente tan a zong ginna a pai ut gige dan ka hi. *Amplified Bible* 2 Korinte 5:7 ah, “...mihing leh Pasion kizopna banah Pasion lalgam thilte zahtak kawm in hinkhua leh gamtat-khawhei ah kitheihcetna diktak tawh hing in” ci’n na kigelh hi.

Gendan dang in, *Pasion tawh ka kizopna uh ka gintak dan bang zel in ginnna a kal suan thei diing hichauh ka hi*. Hiai na theisiam maw? Diktatlou hidan a kikoih mi khat in ginna a kal suan diing ahihlam mangngilh kha thei hi. Mi, leivui lak a lung lui (old worm) leh Pasion in a itlough bang a kingaihsun pa in zong ginna a kal suan mangngilh kha maithei ahi. Mi tamtakte’n ginna in kal suan sawm sek mahle-uh hiai, a thildangte a lungtang uah neilou / kemlou uhi.

Galatiate 5:6 in, ginna in itna tungtawn in naa aseem aci hi. Pasion in hibang thu ka lungtang ah A koih: “Mi tamtakte’n hiai Laisiangthou thu a sim ciang un, midangte a it phot kei uh leh

a ginna un seemlou diing dan in ngaihsun uhi. A gen sawm pen huai hi zenzenlou. A gen sawm taktak pen bangzahta amaute it Ka hihiam cih a theihkei uh leh, a ginna un seemlou diing ahi.” Itna tellou in ginna in a seem kei diing. Himahleh midangte na it theihna itna pen ah hilou in, Pasion bangkim hihthei na ki-itsakna pen ah ahizaw.

A tunga i gente atuamna lianpi om ahi. Pasion a muanna ngak leh ginna a pai i cih Amah a kingak (leaning) leh thiltenga Amah muannamna (trusting) ahi. Kuahiam khat in hon-it ahi cih na theikei mawkleh tua bang na hih theikei diing. A kallak in na mangngilh zaw-mah maithei. Pasion in hon-it ahi cih na theihkei leh Amah na muang taktak theikei diing hi.

Pasion in hon-tna bangzah a lian hiam cih na theih takpi leh, Amah akipan hihdamna ngahna di’n buaina tawmdeuh na tuak diing. Sum-le-pai taksap venna zong olsam deuh mah in.

Na ngah theihlouna ziak tuh Pasion in nang Ahonpiak taak na gintak taktak louh ziak ahi. “Huai ka gingta ut ve-le, himahleh bangcidana gingta di la?” na ci ahimaithei.

Pasion hon-itna na sunga nei na hi, na hih diing poimawh omsun tuh huai a honlah (theihsak) ci’a pom touh pah diing himai. Bible in hiai a ci: “Ama’n hon-it masak ziak in Amah i it uhi” (1 Johan 4:19). Pasion in hon-it masa ahi cih thildik na theihle keileh zaw Pasion it diing kici nang adi’n thil hithei ahikei diing.



Na sunglam thuktak na lungtang tawh kisai ahi. Huai santak ah a om hi! *Pasian in hon-it hi! Lamdangpi a siam na hi! Kilawmlua na hi! Manpha lua na hi! Thupilua na hi! Pasian in hon-it ahi!* Pasian hon-it banga hon-it mi khawvel a kuamah omlou diing ahi.

Mi kuamah hilou in Pasian kia hilim veh aw na poimawh, a ziak tuh Ama'n midang te na hinna a honpe lel diing hive'n. Thudik bel, midang kuamah omkei taken la, nang leh Pasian kia om hitale ucin le'ng nang nuamsa veve, kipak veve diing. Pasian na lawm hoihpen hiding ahi. Koppih na neihke'h Amah na koppih hiding. Nu leh pa na neihke'h zong Amah na nu a.k.l. na pa hiding.

Pasian in huci zahta a hon-it ahi. Huaiziaka bangkim adi'a Amah muangthei na hi. Ama'n hon-it lua ahihlam na theih a, na neih diing a hondeih hi. Huai nei diing a Pasian in hondeih ahi cih na theihcet mateng a' thildangte ngah thei dia ginna zangkhe taktak thei lou diing na hi.

Pasian, nang na ki-itsakna ah ginna a gamtang hi. Nang hihtheihna tawh kuankhia a kuahiam khat na va-itna ah ginna in a seem kei hi. Pasian ki-itsak inla, sun nitum na kalsuanna ah, "Maizen, Pasian. Na hon-it cih ka thei hi. Hallelujah! Nang k'ong phat hi, Pa, Na min ka tawisang hi" ci'n hilh zel in aw.

Smith Wigglesworth kici Pasian sawltak thupi ahi. Mi khat in thumna in hun sawt pipi a zang sek hiam cih dotna abawl,

Smith Wigglesworth in a dawnna ah, “Minit 30 sanga sawt ka thum ngei mangkei, himahleh thumlou in minit 30 hun zangbei ngei kei ing” ci hi. A genna khat ah, Pasion tawh kihou lou a minit 15 sanga sawt zaw hun ana zat khak leh, poisa, kisiik a TOUPA kiang zuan sek dan ahi.

Thil a diklou lam apan muh sawm kha hive hang aw. Nang nasep pansan a zaw piangsak lou diing na hi. Pasion in hon-it ziaka hon vualzawl diing hilel. Hotdamna a honpiak taak bangthou a thildang zong honpe diing ahizaw.

Innkuan a simtel diing mi ahihkeileh midang khatpeuh, nang hahpanna ziaka ngah lou diing na hi. Pasion ki-itsak in. Huci’n, innkuan a diing mi a na muh hun cia’n, huai mi it diing in na kiman khin diing hi. Bible in, amaute kampau leh hihtheihna lam tuamtuan a zawh na sawm tawpsan in, it diing dan diktak in it lecin amaute Jesu khebul a piitung diing na hi ci’n honhilh hi. Pasion’ Kha in na innkuante a’ itna tungtawna hiip diing ahi. Himahleh Pasion na ki-it sak masak keileh midangte it theilou diing na hi.

Ephesate 2:8 AMP ah, “Hehpihna ziaka (phulouh Pasion’ deihsakna), ginna tungtawn a hotdam na hingal ua...” cih i mu. Hotdam hihna di’a nang hih/sep nei kha hetlou na hi cih na theikheta hia leh? Jesu hotdamna tang mite, amuatsa (rotten) bang ngen i hi, i thil hih hoih ziaik hiam thil i hih dik theih ziaka hotdamna ngah hi mahmahlou. Thil khat ziaik kia ahi, huai tuh; Pasion in khawvel A it mahmah ziaikin a Tapa tangneihsun apia

hi. Huci a kuapeuh Amah gingta tuh amanthat louh a, tangtawn hinna aneih zawkna in (Johan 3:16).

Hehpihna i cih Pasion in nang hinna a na poimawh citeng hon piak utna ziaka Amah hihtheihna hong zatkhiakna ci'n zong gencet theih kha diing hi. Pasion in A hehpihna ziaka hotdam na hihtheihna diing ginna honpiak bangthou in, Pasion in hon-itna ziaak in nang adia hihdamtu Amah ahihna ginna honpia hi. Na poimawh citeng honpia-honneisak Amah ahih gintakna zong honpe lai hi.

Ginna, na hotdamna dia A honpiak in na khelhna tengteng apan hon hotkhiak zawh leh, huai ginna mah na sung a om in na hinkhua a poimawh dangdangte a honpe zou lua hi. Pasion in hon-it ahi cih na gintak a, na theih takpi leh, huai khith cia'n Amah na muangngam pan diing hi. Huci'n, Pasion Kammal diktawntungna in nang honman (convicted) in A hon-it ziaka nang honkhem ngeilou diing ahildan na *thei* diing hi.

*Amplified Bible* in a gelhna ah, “ginna” i cih “mihing khat in ahihna tengteng Amah tunga ngakna” (Pasion) “A thilhihtheihna muangngamna leh kingakna piikpekna, pilna leh hoihna” (Kol 1:4). Pasion na ki-itsak phal cia'n Amah itdan leh muanhuai dan na zil thei diing, ginna na nei diing hi.

Pasion in hon-it hi!

# 5



## LAUNA APAN SUAHTAKNA

“Itna ah launa a om kei [lauhluatna omlou himai], itna bukim (bucing, hoihbukim) in launa a hawlkhe zaw hi. Launa tuh gawtna tawh kisai ahihziakin, a laumi tuh itna a hihbukim a om nailou ahi hi [itna hoihbukim phattuampih a khangkhin nailou ahi].”

1 JOHAN 4:18 AMP

Pasian in hon-it hidan a theihna nei in, Amah ah muanna nga in ginna a kalsuan hoihthou in i kithei hi. Thakhat in banghiam khat in a honsualta.

Ginna hon guukmangsak ut gol mahmah khat tuh kim-le-kianga thiltungte ahi - thil hoihlou hongtung zelzel te khawng. Kim-le-kiang a thil a pai dipdip lai teng zaw, Pasian in hon-it ahi cih gintakna buai mai kei veh aw.

Anungdeuh in, launa leh mawhpaihna tawh setan a hong kipan a, Pasian hon-itna na hamphatpihna hinkhua apan hon khenkhiak sawm in, “Ka rei, bangci hita?” a honci a, “Pasian in hon-it ka na sa a. Bangziaka thil hoihlou na tunga hongtung

a tamai ale? Mulkimhuailua thil khat hihkha na hingingei diing. Pasion zaw na tunga heh petmah hiding eive” a ci lai hi.

Huaitakin Pasion ma-a muanngamna mansuah in, nang kimuangtalou nana tuh Ama’n ahon panpih theitakei hi. Pasion in hon-it ahi cih na theikei leh bel muangngamlou di, ginna a dingkip theilou diing, mah na hi. Setan hon kuanpih launa leh kimawh-sakna ahibanga nana pom leh Pasion in bangzahta a hon-it hiam cih theilou na hi hi.

1 Johan 4:18 in thu khauh leh ciang mahmah gen anei - “itna bukim in launa a hawlkhia.” Hiai Laisiangthou Thu gentup theih sawm in ka thum a, ka thum zom zel, cih leh Pasion in ni khat ka kha ah theihna hibang ahonpeta. Itna bukim in launa a hawlkhia, huai itna bukim tuh Pasion ahi. Pasion in nang a hon-itna bukim dan na theih ciang in, thil siam zousiah lai ah bangmah lauhuai nasak a omkei diing. Pasion in hon-it ahi cih kilaakna, mimal taka tang khin na hihleh lauh dang neih diing thil hitheilou ahi.

Pasion in hon-it ahi cih na theihleh lawhsap diing lauh cih thil hitheilou ahi. Pasion a kinga na hihleh na lawhsam theikei. Na lawhsap diing alampi omsun tuh nang leh nang kimuan ziak in ahi. Pasion in hon-it ahi cih na theihleh lawhsap diing na lau kei diing. Pasion in hon-it ahi cih na theihleh mite nawlkhin a om diing na lau kei diing.

Pasion’ itna in thilteng huam ahi - lianlua, zalua himai. Huai Pasion, hon hondampa leh suaktasakpa in hon mawhpaih

dia nang ngaihsun maw? Mite mawhpaihtu setan ahi. Pasion in na hinkhua ah mikhial na hihlam honman (convict) in, Amah mah in suahtakna lampi hon kawkmuh diing hi. Setan in ahihleh hon mawhpaih in suahtakna diing lampi omlou, a honci diing.

Amplified Bible ah Pasion Thu hici'n:

“Itna ah launa a om kei [lauhluatna omlou himai], itna bukim (bucing, hoihbukim) in launa a hawlkhe zaw hi. Launa tuh gawtna tawh kisai ahihziakin, a laumi tuh itna a hihbukim a om nailou ahi hi [itna hoihbukim phattuampih a khangkhin nailou ahi].”

1 Johan 4:18

Mi tampite'n hiai a Laisiangthou gentup, na hon-it zawh khop leh nang kei honlau lou diing, ahikheileh kuahiam khat na it zawh khop leh launa in na hinkhua nuse di cih sakha uhi. Himahleh, a gentuptak tua hilou hiveh aw.

A gentup, Pasion na ki-it sak leh nang lau lou diing cih ahizaw. Na hinkhua a na lauh ut keileh (lau hinkhua a na hin nop keileh) Pasion na ki-itsak diing himai. Ginna tungtawn in Pasion hon-itna, tu mahmah in saang in. Malam nawt in. Ginna in kisakhia inla, Pasion hon-itna avekpi in kilaakta in.

Hiai, A' itna in launa a hawlkhiak thu kilaakna Pasion in honpiak nungzek in, ka zat zom ngal diing dan in hong om hi.

Ka car un nawngkaina khat nei, a transmission hoih nawnlou dan a kithei ahi. Hong buaise taktak henla, khekkhiak ngai hitaleh sum dollar 500 bang lut di'a hisap, kou lah sum huai zahzah zat di neilou, tua man a, ahithei dandan in ka zat zom mai uh ahi.

Pasian in huai ni zingkal hon sepsak in hici'n honci hi, "Joyce, tuni pumpi Kei hon-it kawm in hun zang in aw. Huan, ke'n le nang ko'n-it honphal in aw. Thildang na hih diing akuul omkei. Numei ginna a mihangsan na hih ngai zenzen kei. Na hih diing omsun zaw Kei hon-it kawm in vavaak inla, Ke'n le nang k'on it diing hon phal in aw. Hunteng in K'on it diing hon phalsak in."

Huci'n, ka ginna siangthou takmai tawh ka inn uh kimveel a zaila awi, Pasian' phat na late sa in hun manphatak k'on zangta hi. Thakhat in, ka pasal gari-buuk a om thawm ka zata hi. Minit 45 vel paita a naseem dia pawtkhia zaw hia! Kongkhak honhong in hici'n honcita hi, "Gear masapen zanga gari tawldok thei ngeilou ka hi. Koihiam a i vatonpih ngai diing ahi."

Kongkhak khak in ka nui luahluah tamai hi. Ka sawm mawng ziaka hicia nui le ka hikei, hongpawt mai ahi. Pasian in, zing tung apan Amah ka na ki-it sak ziaka hicibang thil puakdan siamna honpia, ka kha tawldamtak apan nui hidan ka hi. Pasian na ki-itsak phalna in nang akipan ginna hong pawtna diing kong hong ahi. Ka nuikhe mai, huai tuh ahi ginna ahive.

Abraham, ginna nuhi in anui hi. Pasion in Abraham vaveh a, tapa nei diing ahidhan a vahilh in nungkiik zek kawm in, “Thupi e, Ka gingta hi” ci in anui. Sarah ahihleh ginlelhna leh gintaklouna nuhi in anui, Pasion in bawldik sawm mahleh Abraham ginna koppih diing in a kisa kei hi. Pasion in Abraham’ nuhi a muhsit sak kei, ginna nuhi a nui ahizhiak in.

Setan in soisa di’a a honnaih lai in, honbeih a sawmdan haihuai leh nuhihathuaipi le ahithe, na Pasion nana theicet mahmah a ahihleh lauh malak-salak in ginna nuhi in na nuhsan khum thei hi. Pasion in hon-it ahi cih na thei a, Amah mah in thuneihna tawp tawi ahi.

Hucidan in ka car ua transmission tawh kisai le, nui maidan ka hi. Pasion in ka lungtang ah aw ngaaticik leh ngaih hetlou gen a nei-a, huai tuh akhauh mahmah. Thumvei ahi ahon-gen, “Joyce, Kei tawh pangkhawm a hucidan a na hihleh lungliap ahon koih ngeilou diing Ka hi.” Hiai thu huikhua a hong kipan ka innsung ua hong ginglut abang. “Lungliap ahon koih ngeilou diing Ka hi. Lungliap ahon koih ngeilou diing Ka hi.”

Pasion a kinga-a, Amah na ki-it sak a, nang Amah na it leh, ginna tawh kisai a panlak na sawmna tengteng na mangngilh thei diing. Pasion ki-it sak lel inla, nang Amah it in, a hong vaiveng mai diing. Pasion’ itna na sung ah hong thoutou diing a, launa teng a hawlmang diing hi.

Pasion in hon-it hi!





# 6



## ITNA AKUANKHIA

“Amah akipan hiai thupiak (mawhpuakna, thu pia, khamna thupiak) i nei uhi: Kuapeuh Pasion it in a unau leng a it diing ahi, cih.”

1 JOHAN 4:21

Pasion deihtuambiik A' ta na hi. Hiai thu Diuteronomi 7:6 ah kigelh. Hucilam thil etdan a n'on et pat touh ci'a, hiai in khawvel kheng diing himai ahi. Maitaisa in bazaar ah na vapai di'a, vantawl na bawm len kawm bang in, “Ka khoih khak phot vualzawl in a omta. Hallelujah! Tuni hiai dawl a lut kha lak a kei, deihtuambiik mipa, honneih khak uh a hampaha uhi, Thupi e!” ci a, na paina peuh, dawl sung tanpha a faifuk banga la sa hiauhiauta diing na hi.

Deihtuambiik hihna i theihcet a, Pasion hon itna banga gamtat i honpat cia'n, khawvel Jesu adi'n i zou thei hi. Itna in gamlak meikaang banga mundang, midang peh / lawh diing. Himahleh, mellat dan a hikhe be-buk kawma, vaksuk-vaktouhna a Khristian hidan a kigen maimai na hihleh tua piansak thil hoih anei sinkei. “Khristian ka hi – Khristian ka

hi” ci zaizai kawm a mazawn a car khat hong kikhaw khak hun a, “Hei, mihaipa, ana kihemkhe dih. Biakinn ka tun baih ngaih lam thei lou maw? Meeting neih sawmna a zekai thei dinmun kei ve aw, nemnum?” khawng cithei zel.

Huai dan kha a changa i omdan himawk ahi. Vualzawhna len (grab) diing in na kiman hiam? Kha in kuankhia inla, vualzawhna len kawm in, “Setan, zuau thu leh launa tawh hun sawtvei n’ on tonpiz zouta. Kei maw, deihtuambiik kei ve, Pasion in hon-it ziaik a Jesu min a vualzawhna tang diing hita ka hi, hiai tungtang ah nang hih theih khat le na neikei!” ci in.

Pasion’ itna na sunga om pen in launa apan hon suakta sak in, midangte laka itna tawh kuankhiak diing na lau nawnkei diing hi. Nang tungtawn a naa thupi seem (greater works) hih diing A cih gingta di’n Pasion in hondeih, Jesu pen A’ Pa kianga ana paikhit tak ziaik in. Pasion in nang honzang diing ahi cih na gingta taktak hia? Amah na gintakna bang zel Pasion in honpe diing, kal suankhiak lau thei diing bang na hitakei hi.

Ginna ze-etna kawlmong a bangzah vei mawngmawng ana dingta, thil khat hih dek lauthawinna in hontuam cih bang, ka hihiam cih hon hilh seng nawnlou diing ka hi. Tua bang hun cia’n Pasion in, “Joyce, hong in. Nang tungtawn a thil thupi hih diing ka hi. Hongpai in,” honci thei zel a; huci’a a lailak ah ka tawmlut cia’n, Pasion in khatvei mah zong hon zahlaksak ngeilou hi.

Kuankhiak a zahlak/lawhsap khak diing bangziaka laulou ka hia cih aziak na thei hia? Pasian in hon-it ahi cih ka theih ziak ahi. Ama'n kei hon-it a, ke'n Amah it ka hi cih zong Ama'n thei, huci'a A hehpihna tungtawn a ka hinna Amah adia luikhia keivo'i. Nang tua bang na hihkhit a, Pasian na it a, Ama'n le nang a hon-it leh, thilsiam khempeuh lak a pal-galkai zawhlouh haksatna omlou diing hi.

“Khrist’ itna akipan kua’n ahia honkhen diing? Gimthuakna in hia, lungkhamna in hia, sawina in hia, vuaktanna in hia, lauhuai in hia, temsau in hia, honkhen diing?

Laisiangthou in: ‘Nangmah ziak in sun nitum in sih lau in ka om ua; gawh diing belamte bang a soisak ka hi uhi’ acih bang in.

Khenlou hial diing, huaite tengteng ah Amah eite hon-itpa ziak in, vualzoute’ saang a vual tungtuang zawte i hi uhi. Sihna hiam, hinna hiam, angelte hiam, lalnate hiam, thil omlelte hiam, thil hong om dingte hiam, thilhihtheihna hiam, saanna hiam, thukna hiam, thilsiam dangte tengteng hiam in leng Khrist Jesu, i Toupa a om, Pasian’ itna a kipan honkhen zou kei diing uh cih ka theician (ciang kilkel) hi.”

Romte 8:35-39

Pasian in bangzahta a hon suahtaksak ut hiam cih ngaihndan na neih geihkei ahimaithei. Na kipahlouh ci'a Pasian in na nasa ahi. Achangin zing thoukhia in lungsim putdan hoihlou tawh sun nilouh na zang bei thei. Tua, ni ka gen tungtang na thesiam hia? Zawngeu na peek a, naupangte na hansan a, innvengte tunga heh in na meel ah lungkimlouhna akimuthei hi – “Ke'n naa ngen, naa ngen seemseem mai, lah kuama'n le hon pakta lou.”

Na hihndan ka gen theih ziak tuh, ke'n le ka na totngei gam ahihziak ahi. Naupangte inn hongtun ciang un, “Bangziaka skul a dakkal 7 sanga dakkal 14 om zaw mailou uh e?” cih khawng na ngaihtuah hi.

Hucibangte'n Pasian na sak (hurts God) ahihlan na thei hia? A hoihlou lam ngaihtuah dia honpi sawm hilou in, hucibang hinkhua apan hon piikhiak sawm ka hizaw. Pasian in hon-it ahi cih na gintak theihleh, huai itna dawngthuk di'a kisa di cin a, itna sundim a om di, mikhempeuh tunga sungbaw thei panta diing na hi. Suakta ta diing in mite adia ngaihhuai tuntun diing, migiitna lam a khang diing.

Pasian in hon-it ahi cih thildik na mat fuh leh, na damna in zui di'a, bukphatna hongpai in na poimawhte vaiveng nalai diing hi. Bangziakin? Kikhahkawl hinkhua zang panta diing hive cin.

Pasian in thil A honpiak ut, lah A honpiak theihlouhna ziak pipen tuh i thil dei pen muhsawm a eite na kibuai theilua, a

honpiak theihna dia Ama'n ei hon mankha pah lou sek dan ahi. Pasion in Amah a khawl a, Amah it lel diing in hondeih hi. Amah nang ki-it sak a, huai na saang lel di'n A hondeih hi.

Ittu (lover) na hih leh setan in hon khawlsak theikei diing, ittute a pekhetute hazel hive'n. It kici napi pekhe lou in na om theikei diing.

Diuteronomi 7:6 AMP tawpna lam in hici'n a ci, "Deihtuambiik mite hidi'n Pasion in A honteel." Pasion in nang honsam. Tulaitaka na naa-pipen innkuante tawh inn a om ahimaithei, himahleh Pasion in honsam ahi aw. Pasion honzat na ut taktak leh, Pasion in a honzang thei hi. Tua diing in a suangphum na lep masak angai. Pasion in hon-it ahi cih na theih diing ahi.

Na khalam tha tengteng nang mimal adiing leh na poimawhte neihna di'n zang bei mahmah ke'n. Na ut pen Pasion hilh inla, tua khit cia'n kintak in midangte taksapte hukha thei di'n na ginna hihkhang in. Jesu, ginna kisinsakna mun a vapai teng poimawh a pianna dia enzuitu leh panlatu, ana thum ngal in Ama'n Pa mel na zong diing hi.

Tuakhit cia'n Ama'n Thu na gen in, a tung uah khutte nga in, amaute'n naa lamdangte ngah diing uhi. Amah mun kilkhat a tu mai a, A thildeihte seemkhetu di'a Pasion gintak sawm mai hilou hi. Na deih pen Pasion na hilh diing himah, himahleh tua pen thildik tawh kisai ahih diing ahi. Midangte

poimawh hihsak kici na hinkhua a lunggulh pen ahih diing ahi.

Bukphatna diktak (True prosperity) kici gencian diing hitale'ng, Pasion' hihtheihna na poimawh leh taksap khempueh tangcinna dia na zatttheihna ahi. Pasion itna in midangte poimawh khatna a koihsaktheihna lungtang honpia hi. Pasion in nang hon-it luatna in, kuankhia a ithuailou dan a lang midangte maigum leh kipahna chang theilou te tanpha it thei dia honthuam ahihlam na thei ngaihsun hia?

A hon-itte itthuk kici thil baihlam ahi. Hiai ah zuausan (trick) a tel kei. Mikhial khatpeuh inle ahihtheih ahi. Himahleh ithuailoute na it a, it zom zel dia kithawi a na it takpi a, na it zom zel a ahihleh, Pasion' itna in amaute kheklamdang diing hi.

Kum khat a lut ahitheih, kum nga a lut zong ahitheih. Kum sawmni-le-nga le hitheih lai, himahleh kithaman eive. Jesu'n nang kum bangzah ahon na ngaak?

Pasion in hon-it a, nang leh na kim na kiang a mite le a it vek hi. Hotdam hitate hi'n hinailoute hitaleh, Ama'n a it a, A' itna luankhiak sakna di'n nang ahon zang nuam hi.

Kuankhiak diing lung in lau ke'n aw. Pasion' itna in launa leh mawhpaihna apan hon suakta sak a, midangte it theihna nang honpia ahi. Pasion' itna na kim na kiang a puangzaak di'n tumguh in aw. Mite tawh kithuahtheih sawm phot in.

Mite tawh kithuah theih nasep khat a nei in Khrist Pumpi ah mite adi'n vualzawlina honghi in.

Mite nitak-an ne di'n cial in na inn ah sam inla, a chang in amaute vaveh in. Mite chibai buk in, nuihiau zel in. Pasion in nang hih dia a hawi banghiam khat om ahi. Ama'n nang ahon zat sawmna mun leh zat sawmna dan ah hiai leitung a thilsiam dang bang bangmah zat theih neilou hi.

Mikhenkhat nang kia'n na houlimpih theih a om. Nang cihlough midang kuamah a kianga watu theilou uh ahi. Pasion lak ah A' itna midangte laka kuankhiakpih diingdan dong in, Ama'n a lampi hon sinsak diing hi.

Pasion in hon-it hi!





# 7



## PASIAN' ITNA IN NANG HONKHEK DIING

“Hiai ah itna a om, eite'n Pasion i itna hilou in, Ama'n ei ahon it a, i khelhnate thoihna (kithoihna zang a lungkimsak) diing a a Tapa ahon sawlna ah.”

1 JOHAN 4:10

Pasion in eite hon-it himahleh, mi tamtakte'n Pasion' itna thei zou taktaklou i hih diing uh ka gingta. Hiai tungtang sutnoungeelna kinei tungtawn in Pasion in honlah khat a om hi. Pasion in eite hon-itna i khate ua thei taktak hitale'ng, i thoutou un tua i omdan tangpi uh tawh kilamdangpi in i hing ciat diing uh.

Pasion' hon-itna suangtuah detdet in nei in. Huai ahi nang honkhengtu diing. Nang mimal hinkhua a na deihlouh banghiam a omleh zong Pasion' itna in kheng diing ahi cih theisa in om in.

Mi khat in hon-it ahi cih na theih cia'n bangcibang ngaihsutna na nei? A hon kipaksak himah lou hia? Melsia na kisa hia leh? Hiai laibu simkha diing mite lak a khenkhat mahni kihua leng tel diing uh ahi cih Pasion in hon theisak hi. Na thil hihte na hua a, thil siamthak na hihlam pomlou in mihinglui tawh na kisual den uhi.

Nang leh nang hoihlou kisa a, ngaihtuahna hoihlou tawh hunte na beisak cia'n mahni kideihlou na hi. Mahni kihua nana tuh deihtuambiik hihlam kiphawklou, deihtuambiikte gamtat in na gamta kei diing cihna ahi. Bible in, "Mihing in a ngaihtuah, huai mah tuh ahihna ahimai hi" (Pau 23:7AMP). Hiai tengteng om theihna ziak tuh thudik Pasion in hon-it hi cih na mat fuh taktak louh ziak ahi. Ama'n bangzahta a hon-it hiam cih theihkhiak tuh thilhihtheihna hattak ahi.

Pasion in nitenga Amah tawh kiton di'n hondeih hi. Huai ahi nang honkhengtu diing. Pasion khatna a na koih koi leh bel, A sep nop pen seem theilou di'a nang Amah mundang khat a koih cihna na hi. Pasion tawh mimaltaka hun zangkhawm a, Amah ki-it sak leh nang Amah na it-thukna pen ahi na khalam khangsak leh hatsak diing pen.

Mi a tamzaw thamte'n thadah (lazy) ziakin, tua i gendan zuilou diing uhi. Amau taang (amau aa diing) hihsak thei mi kuahiam omleh ut diing uh hilai. Paulam bawl hetke'n. Pasion tawh kithuahna hun zanglou, lah hiai thugelh tungtawn a lungsim khoihkhak (convicted) mi kuahiam a omleh, tua mi

in a' nung cin a setan hongpai a, “Hih zaw ahina a, thildang hih diing na hau vele,” cizui diing nei ahi.

Setan in paulam khat khit a paulam dang zang a hon zekhem ahihdan ke'n thei ka hi. Pasion tawh kisai thil ngaikhawk inla, Amah lak ah kikoukhia in. Pasion' Thu leh Amah tawh kithuahna in nang honkhek diing ahi. Pasion in ahithei dia honbawl khinta ahi. Paul in Phillipite 4:13 ah, “Amah kei hon hihhatpa Khrist tungtawn in thiltengteng ka hih thei” na ci hi. Gendan dang in, Jesu Khrist a thilhihtheihna om tungtawn a hih zawhlouh diing thilsiam zousiah lai ah khat lel zong a omkei.

Pasion in haksatna khattou hon theihsak omleh, thilhihtheihna leh zawhna tawh thoutou a, na sialthal diing ahi. Thoutou a Pasion in nang ahon itna sangkawm a niin (dirty), zuaugen hat setan nial kawm a a muatgawp leh hoihna neilou dan a hon ngawhna na nial (refuse) leh, vualzou hinkhua pantouta himai diing na hi.

Tutak in zaw na dinmun lungkhamhuaipi danin alang ahithei, himahleh sunglam a siamthak hihlam na kigintak leh tuamdeuhtak in na gamtang thei diing hi. Thou tou a anuai-a banga na gen ma zaw kikhek or tuamdeuhtaka gamtang pan ngeilou diing na hi, “Kei deihtuambiik kei vele, Pasion phat in om hen. Kei siangthou ka hi. Pasion in honteel, Belamnou Sisan a hon silsiang hita ka hi. Hucidan a gamtang diing hi'ng. Setan aw, bangzahvei na bawlkhial ka hiam cih ke'n buaipih

vet ke'ng. Hon phong a, hon paisak di'a Pasion lian huntawk ahi. Ka nitna teng Ama'n silsiang khinzou!"

Pasion in nang hon-it ahi cih na theih leh, huai na theihnung bang nang hon zou thei diing haksatna a omlai diam? Hon zou diing omlou ahi. Huai te tengteng tunga vualzou diing pa na hi.

A vualzoupawl (overcomer)te laka pansam na ut hia? Na utleh hiai dotna dawng mah – banghiam khat vualzawhpih diing na deih hia leh? Huai mah tuh na khanna diing a lampi omsun ahi. Buaina na neih ngeikei a, vualzawhpih diing thil na neih ngeikei leh bel na ginna ha a bang keitan ta diing?

Haksatna na tuahte khanna di'a hunlemchang in zang in. Nang hon-it ziaka Pasion in bang hih diing hiam cih zongkhia in! Pasion a kinga a, Amah ki-it saka, nang Amah na it takpi leh ginna zatkhiak sawmna tengteng khawl-tawldamna suak diing hi.

Pasion ki-itsak mai a, nang Amah na it leh, ju kham khenkhatte banga hawi diaidiai in Khasiangthou thuneihkhum in hinkhua zang thei hiteh. Huai bel, Pasion' itna sung chauh a nungta na hihtaak man-a kim-le-kianga thiltungte'n na hinna a thu aneih nawnlough hun uh ahita.

Kha Siangthou a tuiphum ka hih tunglai in, a kal masa thumte Pasion' itna zukham taka kham ka bang hi. Mite'n, "Na omdan hongtuam lua ahi. Nang a adiklou bang om ahia?

Joyce, ke'n gingta theilou ka hi. Na tunga bang thil tung ahia?" ci uhi. Hiai mite kal thum nung in hongpai uh a, "Na hinna a bang thil tung ahia?" hongci uhi.

Kikhekta ka hi cih pansana amaute ka na thuzawh sawm a kuulkei. Amaute'n muthei lel uhi. Pasion' itna sunga na bual takpi leh bel, nuhmai hiuhiau gige diing hiteh. Melhoih diing hilai the. Tha-le-zung hatna nei diing hilai. Kha Siangthou in hon phungvuh, na poimawh citeng honpia-hon neisak ahihman in na tuah khak kisaipih khak mite kisap lam peuhmah pethei dinmun a ding diing na hi.

"Pasion in hon-it. Hallelulujah, Pasion in hon-it. Amah deihtuambiik ta ka hi. Pasion in kei hon-it!" kici in. Malam nawt inla, ginna a kal saupi suan in muangngam in.

Pasion in nang hon-it takzet ahi!

## HINKHAW THAK NEI IN



Jesu Khrist na' Toupa leh Hondampa di'a na cial ngei naikei leh, tu mahmah a cial diing in ka hon ngen hi. Hiai thumna kipia zang in na thum thei a, cihtak pet a na thumna a ahiehleh, Jesu Khrist a hinna thak tang diing, hamphatpiah diing na hi.

“Pa Pasion, Na Tapa Jesu Khrist ka gingta hi, Amah khawvel Hondampa ahi. Sing khros a si in, Ama'n ka khelhna man tengteng pua hi. Gawtmun a vapaisuk in, sihna leh han te'n lenden zoulou hi. Jesu Khrist han apan thounawn in tu in Nang taklam ah tu hi. Jesu aw, k'on poimawh hi, ka khelhnate maisak in hon hondam in, ka sung ah hongteng in. Piangthak ut ka hi.”

Tu in Jesu na lungsung a hing ahi cih gingta in. Ngaihdam hita, midik a pom leh van-gam kai diing hita na hi.

Pasion' Thu sinsak saptuam pawlpi hoieh khat zongkhia inla, zom in Khrist ah khangtou zel in. Pasion' Thu theipihna lou in na hinkhua ah kikhekna bangmah tunglou diing hi. Johan 8:31-32AMP in hici'n a ci: “Nou ka thu a na om gige

uleh Ka nungzui taktakte na hi diing ua, thutak na thei diing ua, thutak in nou ahon suakta sak diing hi.”

Pasian’ Thu lenkip leh na lungtanga phutkip di’n di’n k’on hasuan hi, huci’a 2 Korinte 3:18 a i muh banga, huai Thu pansan a Jesu Khrist dungsuun a kipumkhek khat n’ong hihna di’n.

Itna tawh,

**JOYCE**



## Laigelhnu tungtang



Joyce Meyer, leitung pumpi a theihphak Bible sinsaktu minthangte lak a khat ahi. A# New York Times ciamtehna ah laigelhtute laka laibu bawl khawnghoihpen Joyce in, mihing hinna thathou sakthei lam laibu sawmgiat sanga tam gelhta a, tua laka ah 100 Ways to Simplify Your Life, Never Give Up!, Battlefield of the Mind family kici nuai-a laibu tengteng, leh novel nih, The Penny and Any Minute, banah adanga tampi tel hi. Lim tawh kithuah (video) leh a lim tuang seselou (audio) Pasion Thu sinsakna a 1000-a-sim zong Joyce in hawmkhia (release) hi. Enjoying Everyday Life ® kici radio leh television program zong Joyce aa, leitung maikaih a khahkhiak te hi a; Joyce pen khawmpi thugen a pang in mun tuamtuam ah vaak kawikawi hi. Joyce, a pasal Dave, leh a tate uh li picing ngen hita, St. Louis, Missouri a a' inn uah khawsa lel uhi.



## **PASIAN' THILPIAK MUKHIA IN: TEHPHBEI ITNA!**

Tuni'n - Pasion' thilhihtheihna leh itna nang adi'n a kingcing kimvel hi! Huai mi tampite laka nang pen mi khat hihthawh mai hilou na hi. Leitunga nang kia mihing om bangdeuh a Pasion in honmu kikel, hon-it lua ahi. A buaihuai tuh, midang tampite bangthou in, theisiamlou na hi maithei... ahihkeileh lu (head) a theina tan a theilel, lungtang (heart) a phawk baanlou. Tu'n bel na hih theita. Hiai laibu sim thanophuai, a thu thilhihtheitak gelh a omte'n nang ahon lah diing tuh:

- Pasion' itna na sunglam a bangci theihtheih diing.
- Pasion adia hoih huntawk na hihleh bang aci'a vial diandian.
- Pasion' itna lamdang honglang bang cidan a hamphatpih thei diing.
- Natna-satna tuah hun na-ngawn a Pasion muh diingdan.
- Pasion' itna in nang bangci dana tangtawn daih di'a honkhek diing.

A muh thuthuukte leh amah mimal hinna pumkhek kilaakna, banah Laisiangthou leh pilna thumal tuamtuam Pasion' itna tukverh lam hon ngasak thei diing te Joyce Meyer in ahon gelhkhia... a' vaak in nang hontaan hen aw, mimaltakin!



**JOYCE MEYER**  
MINISTRIES

Nanakramguda, Hyderabad - 500 008